


130

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
AUG 11 1936

T 9100.0122 B





說郛續目錄

引第八

藩獻記 朱謀瑋

琬琰錄 楊廉


瑣綴錄 尹直

代醉編 張鼎思

明廷襍記 陳敬則

水東紀畧 葉盛

玉壺遐覽 胡應麟



良常仙系記 鄒迪光

賜遊西苑記 李賢

延休堂漫錄

濯纓亭筆記 戴冠

秦賦記

南州朱謀學

秦藩

秦愍王諱棧

皇帝第二子也洪武三年四月封洪武十一年四月之國西安王生而岐嶷嚴毅英武

皇帝委以關西軍事得專刑賞歲時躬巡邊徼自大將以下皆受王節制有軍功者先擬封拜以聞王御軍嚴甚所過秋毫無敢犯未嘗妄戮一人故

哈佛大學漢和圖書館珍藏印

我畏威兵民倚以爲重洪武二十七年西負
固弗庭王奉命徃征多所禽獲率衆詣降
受約束至今朝貢不絕王在軍中多露宿山野因
遘瘴癘力疾破賊而還捷聞璽書嘉獎賞賚以
億萬計洪武二十八年薨子隱王尚炳嗣爵在位
十八年薨子儋王志垣嗣爵在位十三年薨無子
庶兄渭南王志均進封是爲懷王未幾薨無子弟
富平王志潔進封是爲康王隱之三子皆親王矣
康王仁愛恭敬強學好古于聲色狗馬財貨一無
所嗜宣德四年冬以護軍有中傷王于朝者遂
疏辭三獲衛詔以王言切至允辭其二在位三
十八年薨所著默菴集若干卷行世

秦簡王諱誠泳惠王之子也弘治元年以鎮安王
進封王延攬文儒竟日談理不勅王府護儀子弟
得入翼宮自秦簡王始也所著樂府感寓詩各百
一十三篇詞旨高古享國十一年壽四十有一
秦定王諱惟焯昭王庶一子也事生母蕭妃以孝
聞正德四年嗣爵嘉靖二十三年薨

汧陽安裕王誠冽秦康王諸孫也事父端懿王暨繼母以孝聞王爲長子時娶夫人王氏先卒遂不再娶秦定王以王孝行上聞弘治十五年二月賜勅嘉獎其年王薨子莊靖王秉楸嗣爵

晉藩

晉莊王鍾鉉憲王之子

高皇帝曾孫也正統七年以榆社王進封弘治十五年薨在位六十一年壽七十五王好博古喜法書嘗以絳帖歲久斷脫令世子奇源采舊所藏古今名人墨跡摹刻以傳號寶賢堂集古法帖弘治九年閏三月表上之

孝宗賜勅嘉獎世子世孫皆先卒世曾孫知烺嗣位是爲端王端王亦好文雅事嫡母郝妃生母彭夫人以孝謹聞嘉靖十二年三月薨無嗣從好新典進封

慶成端順王奇滇晉恭王玄孫也弘治十二年襲爵正德中以賢孝聞未嘗勅褒獎嘉靖十一年薨子表纘嗣爵是爲恭裕王王樸茂寡言篤于孝友

好文謹度譽動國中嘉靖三十四年冬王壽八十
撫臣王崇上疏乞旌表 詔賜書嘉獎資以金幣
尚書王瓊嘉靖初上言慶成王生子七十人吳郡
王世貞著

皇明盛事述稱慶成王生百子長封長子餘九十九
人並鎮國將軍每會紫玉盈坐至不能相識而人
皆隆準極異事也考其世蓋端順王云
西河恭定王竒溯晉定王之曾孫也父順簡王薨
王方三歲稍長問父所在不得即知痛哭刻旌檀

公服簡像祀之壽七十有六薨子表相嗣爵

孝聞刺李大夫

入周藩

周定王諱櫛

高皇帝第五子也始封吳 其洪武十一年改封周

國開封建文中以猜忌 入藩竄王雲南

成祖靖難得復爵王與

文皇帝同母

高皇后特見友愛歲時問遺不絕嘗以汴梁患河未

將爲王營宮洛陽永樂三年六月王上書言汴梁水去隄防稍固第乞修舊宮以居免勞民力

上善之遂罷洛陽役永樂十九年春以奄三告王不軌召至京師王遂奏納三護衛而還洪熙元年閏七月薨世子有燉嗣立是爲憲王

周憲王恭謹好文辭兼工書畫製樂府新聲大梁人至今歌舞之正統四年薨無子妃鞏氏暨牛戴韓歐陳李六夫人同日自經以殉 詔謚妃貞烈

六夫人貞順附葬憲園弟有燿以祥符王進封爲

簡王

鎮平恭靖王有燿周定王第八子也母周夫人建

文庚辰八月生王于雲南蒙化病不能乳陳夫人解簪珥贖犢乳之

文皇帝卽位復定王封王方數歲封鎮平王壽七十

三薨子榮莊王子堉嗣

博平恭裕王安波周惠王第十三子也惠王之子二十五人而恭裕獨以文雅得譽

南陵莊裕王鞋模周悼王第九子也好文雅敏達

有識王薨無子爵除

楚藩

楚昭王諱楨

高皇帝第六子也天資英睿有謀畧洪武九年冬之

國武昌數奉

命督師討平大庸靖州上黃諸蠻

又討雲南阿魯禿禽之

太祖嘉悅洪武二十二年肇建宗人府

命王署

宗人事已復西番討道州全州桂陽諸蠻

溪黔陽諸洞蠻

皆有功洪武三十年五月同

王征古州

上賜勅曰近蠻

倡亂爾能與民同憂率護衛軍馬

親征之豈不稱賢王哉永樂八年冬王朝于京師

文皇帝以楚國無事上下相安嘉王賢能

賜優詔

勞之永樂二十二年薨世子襲爵爲莊王

楚莊王諱孟烷仁厚博洽能文章深有智慮在位

十六年正統四年薨

武岡王顯槐楚端王第三子也端王世子顯榕是

爲愍王嘉靖二十四年春英耀謀弑愍王于其第

飲武岡王別室中中飲變作從官朱恩大呼王亦
奔往救被鏃傷臂愍王薨英燿伏誅 詔書勞王

魯藩

魯靖王諱肇輝荒王長子也恭儉謹度

文皇帝甚重之 車駕北巡過魯王來朝 賜以詩

幣享國六十四年成化二年壽七十九薨

蜀藩

蜀獻王諱椿

高皇帝十一子也洪武戊午歲 冊封二十二年冬

之國成都王孝友慈祥博綜典籍睿 都麗雅在

儒素風

高皇帝常以蜀秀才目之及就國聞漢中博士方孝

孺名以幣聘爲世子傅常 臨講郡黌觀諸博士清

貧爲分祿餼之月一石遂 著爲令府中屬官有能

進昌言者厚加禮遇沒世 猶存卹其後燕居之闈

大署忠孝維藩以自勵焉 永樂二十一年二月薨

上悼惜良久特謚曰獻

蜀定王友垓和王之子獻王之孫也嗜學善書能

文章克纂獻王之業子惠王申鑿尤警敏好文敬
禮名士弘治六年薨惠王之孫讓樹是爲成王性
靜哲喜儒不遜聲伎動遵禮法創義學修水利賑
饑救災多所全活嘉靖二十六年薨

潭王諱梓

高皇帝第八子也洪武二年母達定妃生明年受封
封十五年而之國長沙王聰敏嗜學善屬文嘗召

府中儒臣設醴賦詩品其高下出邸中餘縉行賞

洪武二十二年坐事被召王懼與妃自焚死在位

二十一年無子國除

湘藩

湘王諱栢

高皇帝第十子也母胡順妃洪武四年生洪武十
一年冊封之國荊州王粹美嗜學讀書常至夜分
篝燈警枕精思入微人莫能窺其際志在經國論
古兵制有宿將所不及者齎力過人握弓矢刀槊
馳馬若飛嘗受命征常德叛敗之虎渡殲焉

藩廬記
洪武三十年五月同楚王討古州蠻克之出入
縹囊乘書以自隨遇山水勝境輒徘徊終日建文
初疑忌親藩或有告王反者朝廷遣使即訊王
懼無以自明闔宮焚死謚曰戾王

成祖靖難後以謚曰獻爲置祠官守其圯

代藩

靈丘端懿王聰滿代簡王之玄孫也長子俊格

學善屬文聚書數萬卷尤好古篆楷墨蹟嘗手

六十餘種勒石名崇理帖嘉靖二十四年卒

疏乞封其孫廷址爲曾長孫禮官以無典故可按

第靈丘四世嫡長宗室盛事應擬曾長孫封號

上嘉王壽考宗室鮮比特許之已而復封址子彛鏞

爲玄長孫嘉靖三十四年閏十一月端懿乃薨壽

八十三彛鏞襲高祖爵

山陰康惠王遜燧代簡王第四子也分封蒲州三

傳而至僖順僖順之子俊柵嘉靖三十七年襲封

若肅藩古不益惠滿各人風言盛衰事大風州亦

肅靖王諱真淤肅恭王子也封世子先恭王卒嘉

藩獻言
靖十八年追封贈謚曰靖靖王博雅好文善爲詩
詩調高古有盛唐諸名人風言邊塞事尤感慨有
意

遼藩

遼恭王寵授惠王子也性恭默謹度篤于孝友弟
光澤王寵讓已嘗出閣別邸王飲膳服御珍玩文
繡必與光澤共之事靡巨細恒相咨而後行終身
無異享位二十五年正德十六年薨子致格嗣位
是爲莊王

慶藩

慶惠王燾枋慶定王次子也嘉靖三十年冬以桐
鄉王進封王好學樂善孝友雍雍居常敦崇儉樸
能以禮法飭諸宗儀寧夏修築邊城王出金帛穀
粟佐工餉嘉靖四十年五月撫臣具以王行誼聞
上遣官賜勅嘉獎并賚金幣羊酒表枋焉萬曆二年
薨子倪熿襲爵

寧藩

寧獻王諱權

藩虞言
皇帝十六子也生而神姿秀朗白皙美鬚冉慧心
天悟始能言自稱大奇士好學博古諸書無所
不窺旁通釋老洪武二十四年冊封之國大寧王
智畧淵宏被服儒雅數會邊鎮諸王出師捕肅
清沙漠威震北荒建文中齊黃用事疑忌諸藩多
所出削以王英武擁重兵于邊下勅召還京師王
未奉命遂削王護衛軍後

文皇帝踐祚不欲壯王在外永樂元年二月改封王
于南昌王亦深自韜晦所居宮庭無丹彩之飾覆

殿瓦甃不請琉璃構精廬一區蒔花藝竹鼓琴著
書其間故終長陵之世不被譴責晚節益慕冲

舉自號臞仙建生墳緱嶺之上數往游焉江右俗
故質樸儉于文藻士人不樂聲譽王乃弘獎風流
增益標勝在位五十八年壽七十有一正統十三
年九月望日薨世子諱磐斌孝友仁厚洞達理學
有淵騫之譽正統二年正月十有九日先獻王薨
世孫奠培嗣爵追謚爲寧惠王

寧靖王奠培惠王子也臞幹踈髯尤敏于學才藻

豐贍一意修文辭造語驚絕性孤介寡合卽諸父兄弟小有不愜動生猜嫌以故臨川弋陽禡爵皆王志也在位四十三年壽七十四弘治四年薨弋陽端惠王拱楨莊僖王子也閩爽有幹局初封將軍同藩諸將軍已屬目其賢會宸濠作逆伏誅諸郡王勢相頡頏莫能一

上以王守正不阿 詔令統攝府事嘉靖初上書請復 獻惠二王廟祀得備禮樂稍增設審理奉祠典儀諸官屬自藩臬諸司以下歲時皆入謁如

藩禮嘉靖二十九年薨子多焜嗣爵諸郡王始分治焜寬和喜文雅事嫡母孝謹每膳必入侍萬曆五年薨無嗣再從弟多煌奉 勅攝府事

樂安端簡王拱樞靖莊王子也靖莊樸訥鮮慧而王以文雅才辯著稱兼精繪事又能謙和虛已煦諸宗人會弋陽端惠王薨群情更屬王賢始奏析弋陽總理于是建安樂安弋陽三王分治八支王薨子多煥嗣爵

石城恭靖王諱奠堵 寧惠王第四子而謀璋之

始祖也景泰二年 冊封性莊毅簡貴寡言笑家
法甚嚴子孫小違教者輒繫而笞之內外日凜凜
從事時諸郡王多坐驕蹇淫虐見法王獨謹度秉
忠未嘗有過舉在位三十六年成化二十二年正
月十有二日薨子鎮國將軍諱覲鏞孝友慈惠動
必以禮先恭靖一年卒子宸浮嗣爵追封端隱王

韓藩

韓恭王諱冲烱憲王子也憲王始封開原未之國
而薨永樂八年王襲爵二十二年出封平涼平

北接邊徼 衆數充斥境上王習見邊防利害
臆憤邑正統元年 上書極言時事

英廟報曰承諭邊計至悉足見叔祖惓惓以宗社國
家爲心深思遠慮雖古賢王不是過也 賜璽書
慰勞并賚金幣正統五年薨薨後九年而有土木
之變

襄陵莊 王冲烱韓憲王第二子也孝友篤至過
人母季嘗病甚王籲北辰下剗股爲藥藥焉母病
頓愈王嘗憤 衆憑陵華夏成化六年夏上書請

率子壻首擊報國自効璽書褒予成化十三年薨壽七十七子範址嗣爵是爲襄陵恭惠王恭惠亦敏學篤行恭惠之子徵鈴是爲安穆王安穆之子偕淵是爲端和王端和之子旭撞是爲懿簡王自莊穆至于懿簡五世同居言必及義雍雍肅肅肅皆以孝友相師嘉靖十一年四月上嘉其親睦遣書褒之賚以羊酒文幣

潘藩

潘憲王諱胤祔潘莊王曾孫也憲王祖詮誅誅爲莊王仲子封靈川而鈺兄恭王子勛泚孫胤橙皆景卒嘉靖九年憲王以胤橙再從弟進封王天資秀傑耽好文儒嘉靖二十八年薨子恬焯嗣爵是爲宣王王篤學工爲詩弟鎮康王恬焯安慶王恬熿皆以文行著名隆慶二年各賜勅獎勵清源王幼圻潘康王第三子也正統十一年册封王博學能文詞饒于著述自號懶雲弘治十四年薨謚莊簡

唐藩

唐靖王諱瓊煇定王世子也資性明達善綜核各
實動中法程永樂十九年嗣爵時年十九以才器
卓犖甚爲

文皇帝所禮永樂二十一年入朝京師五日之間凡
三接見焉選妃邠人高盤女未婚宣德元年十月
朔王薨高氏聞之遂自經以卒守臣上其事 詔
嘉高氏志節 特命追封唐靖王妃賜祭治喪如
制合葬紫山

唐成王彌錦莊王之子也篤行博學工詩繪而書

敦睦弘治二年嗣

皇帝嘗賜王五經子 諸籍嘉靖二年薨弟文城

恭靖王彌鉞亦工詩書

三城康穆王芝堦唐憲王子也成化七年

冊封王博通群經左嗜繪事法書名畫未嘗一日

去手正德六年薨

承休昭毅王彌振榮和王子也性警敏絕人喜儒

雅而善決斷嘉靖二十一年唐敬王以王行誼上

聞 璽書褒之命未至而王薨長子宇淵嗣爵淵

子宙枝亦好學識典故著皇明統宗繩齧錄十二卷言藩事頗詳今行于世

蕩陰端肅王彌鏐昭安王子也倜儻好文雅敬禮名賢不問家人生產爵冕三十餘年深自琢磨一無豪侈之習而性樂施予常自食貧薨之日僅能周欽樾中無餘玉帛長子宇澄先卒嘉靖三十八年孫宙榮襲爵

趙藩

趙康王諱厚煜莊王子也和厚嗜學博古敦尚雅素事祖母楊妃以孝國嘉靖七年六月薨

襲予明年冬境內大饑王上疏請辭祿一千石佐賑濟

世宗皇帝嘉王能憂國詔守臣發粟不允所辭嘉靖三十九年十月庚申暴薨

鄭藩

鄭王厚烷鄭懿王子也嘉靖六年嗣爵二十七年七月疏請

上修德講學并進居敬窮理克已存誠諸箴復演連

珠十章以簡禮怠政飾非惡諫神仙土木爲規諷
詞語切直

上手詔曰汝覘知宗室有謗訕者故茲效尤汝真今
之西伯也罪其長史再逾年而盟津長子祐楷訐
王跋扈詛呪煽惑諸不法事

上大震怒并責前四疏不臣奪爵幽鳳陽世子載堉
亦篤學有至性痛王非罪見繫不敢安寢築一室
王宮門外席藁獨處者十九年

穆宗皇帝卽位赦免還國歲加王祿四百石世子乃
後入宮而居

襄藩

襄憲王諱瞻墀

仁宗皇帝第五子也天資明睿通詩書及春秋宣德
四年八月封之國長沙正統元年七月改封襄陽
土木之役 車駕北狩王兩上疏慰

皇太后乞命 皇太子居攝天位急發府庫募勇敢
以圖迎復仍訓諭 郕王盡心輔政章上時
景帝立八日矣

英宗復辟得其奏于宮中覽之感歎手勅令王入朝相見甚歡成化十四年薨壽七十三

棗陽榮肅王祐楛字夏父襄憲王曾孫也七歲能文章神姿魁岸雄健力制奔馬精騎射星曆兵農醫卜之書靡所不究其占災變言休咎修短遲速命多奇中又好持論經濟

世宗初年大禮未決王上疏言時議以

皇上入繼 孝廟爲人後者爲之子欲稱

聖父興獻大王爲 皇叔考斯據宋儒濮議伯考濮

王耳當時歐陽修已謂爲人後者不沒父母之義後竟以無稽止稱濮王爲親即園立廟矣豈可引以爲 聖朝法乎今日宜稱

孝廟爲皇伯考仍稱 聖父爲皇考文簡而事理無

遺彘攸叙公議定矣嘉靖四年春襄王祐楛病廢不視事承奉亨竊弄威福王惡之執亨熏目坐是許奏奪爵嘉靖十八年以大慶恩典乞復曾許之王嘗疏請令宗人執士農業得自贍足勿煩

朝廷歲祿之供禮官以非 典制不許嘉靖三十

四年九月薨子厚燭嗣

荆藩

荆端王厚烜荆憲王玄孫也憲王初封建昌正統中改封蘄州景泰元年十二月王嘗上疏請朝上皇不許在位三十年而薨四傳而至端王王性謙和溫粹銳思典籍尤以篆隸著名正德中病未疾不能朝謁再疏懇辭爵祿不允 詔許令弟富順王厚焜攝朝謁嘉靖三十一年薨孫翊鉅嗣爵富順王厚焜荆和王第二子也正德九年

冊封王幼孤未就外傳稍壯媿與長者語乃潛問學發憤至廢寢食遂博貫群藝王復嗜詩兼繪事一日拂素圖蜀葵移暴日中蜂蝶叢集花上拂之輒來其神妙動物類如此弟永新安莊王厚熜亦以能詩著名

樊山溫懿王見潞荆靖王第三子也忠審有大節弘治五年九月荆見瀟以淫虐聞王并發其陰謀不軌狀而瀟亦許王隱過奏上

上嘉王潛銷荆楚大害功置王過不問奪瀟爵爲庶

人王由是顯名正德元年薨子莊和王祐構嗣爵
莊和子厚峻是爲恭裕王恭裕之子載坿嗣之坿
字昇甫喜讀書博極經史爲人脫略不羈能折節
下士藩王故不投人名刺接諸縉紳亦無賓主禮
王獨易之

秀藩

秀懷王見澍

英廟第五子也成化六年之國汝寧宦豎以王居泐
監請徙先師孔宮以廣之王不許長史劉誠遣

嘗進講尚書誠曰戡黎者武也銳執古傳曰文寔

戡黎兩長史競辯不已王徐言曰先皇簡先生

輔予經義卽有未安何嫌徃復乃爾動色邪誠銳

頓首慚謝在國三年薨無子國除

益藩

益莊王厚燁端王之子

憲王之孫也醇粹嗜學問能詩文嘉靖三十五年薨
無子弟厚炫以崇仁王進封王性節儉重賜予聲
色珠綺一無所好宮庭勝侍僅備使令聞宗人產

子至因五以上者輒蹙額曰若等不勤學問顧日
近婦女虛糜國帑奈何哉世孫翊釗嗜文結客王
常中制之所積府藏金錢不可勝筭萬曆初壽八
十餘乃薨世孫嗣爵遂廣築臺苑招致賓從通聘
問于諸藩凡操一能一藝者莫不思走謁門下王
厚贈貽之于是義聲播海中未數年而九庫之金
錢頓盡

衡藩

新樂王載璽端惠王子而衡恭王之孫也博雅夙

文辭敦尚德行汲汲然以著述詞賦爲勲業嘉靖

三十六年冊封著丁巳同封錄一卷思欲表見

宗藩有才藝者

高唐王厚煥衡恭王子也與弟齊東王厚炳皆以

博文篤行聞

隰川

鎮國中尉俊棟隰川懿安王後也懿安諱遜燦代
簡王之子分封澤州五傳而至莊惠王俊栢嘉靖
三十四年栢薨無子詔以栢從弟俊樞攝府事

已而樵坐違法奪爵復用親推俊格代之未幾格復坐罪廢于是議者以親不足用請舉賢能任之
棟博古明經譽望甚著嘗總教宗學諸生諸宗人宿心焉萬曆五年夏山西撫按以棟名上 詔用棟攝隰川府事棟布教飭法鎮之以靜群情安焉
璽書褒于萬曆十九年卒于位子輔國中尉克倓復以賢能推舉奉 勅代父任

慶藩

安塞王秩炅者慶靖王季子而

高皇帝諸孫也母夫人位氏六七歲好讀書十二而孤哀毀踰禮母夫人嚴誨之曰孤子非自強無覲成矣王發憤下帷如儒者性通敏過日不忘十五而喪母十八受封明年冊妃出閣王姿表魁梧風度俊逸美鬣目光如電善文精楷書遇縉紳大夫質難辨惑移日不倦故益聞所未聞人有古今書輒捐金購之繡梓與遠近學者共動息規矩惟清與儉嘗恨居塞上不獲與齊魯吳楚士游生宣德間妃成氏子三皆名而天無嗣成化癸巳年四

十七葬賀蘭山謚宣靖自稱滄洲野客

魯藩

魯恭王諱願坦端王之庶一子也始封寶慶王嘉靖二十八年端王薨明年嗣爵王慈良聰哲有至性端王之遭疾時王年僅十有三侍立寢所晨夕不怠居喪蔬粥哀毀送葬往返百里號泣晬痛遠近改觀既當國政申明訓典約以禮度魯宗數百人莫不廩廩奉法

安丘榮順王當遂魯靖王之曾孫也少而孤有祖

隸國將軍憲葵字伯淳益陽康恪王諸孫也生而髮際一骨隱起若珠性穎敏絕人讀書一目十行俱下嘉靖十一年卒于術埉亦以詞賦著名

潘藩

沁水王珪皆潘簡王之後而沁水昭定王之子也隆慶元年嗣爵博雅工詩喜士往來多布衣交名譽籍甚先此有德平王胤樞淵鬱負雋才與衡新

樂王載璽周中尉睦黎襄垣俊噤晉康衢秦玉華
齊名噤著五懷詩述其事是後復有輔國將軍瑄
堉瑄瑄瑄圻稷山奉國將軍瑄瑄四人者結為詞
社日相課以詩每有賦詠必賡和之語並綺麗瀟
灑于是乎稱多才矣

趙藩

奉國將軍載璋字仲佩湯陰王諸孫也篤學好古
厭薄芬華日研究六經精探理奧所著文詞動則
風雅

襄垣

襄垣恭簡王遜輝代簡王之第五子也永樂二十
二年自大同分封蒲州典制諸王已之國非請
命不得歲時定省王念大同不置作思親篇其詞
甚悲代人傳誦之

岷藩

安昌王膺鋪者岷順王第二子也成化二年
冊封順王病風痺累年不起王侍寢嘗藥晨夕不
違左右岷王感其勤孝為之疏聞成化十年二月

禮官以親藩無旌表之典

憲宗皇帝特書獎之

韓藩

樂平王冲焚者韓憲王之三子也博學好修言動必繇典禮居常自謂非讀書不樂成化中年踰七十猶手不釋卷韓王偕瀟疏其行于朝乞賜褒嘉以風宗室

特詔獎焉成化二十年壬午登八十

再詔存問語意甚溫謂其年高德劭軼漢東平

王遠甚成化二十二年薨謚曰定肅孫徵鉅

瑞昌

奉國將軍多煜字中美瑞昌榮安王曾孫也性澹

雅好學不事聲華與其弟多燉望衡接宇孝友篤

至當是時輔軍多燿多炘以秉禮嚴重見稱鎮尉

多炫多燁以義聲樂施動遠近多熿多燿多斯則

用詞賦結客並有赫然之譽而煜與從兄多燿

杜門却掃購異書數萬卷耽玩教讐以爲樂終老

不厭也萬曆中督撫求理瑞昌藩政者察燿燿賢

將聞于

上煜固謝不起年七十有七乃卒煜善行草得鍾王
書法亦自珍惜之每一紙出好事者重價購去此
之蘭亭禊帖云燁子謀靖煜子謀整燉子謀玉謀
至並篤學好修盛有名理乃其韜光剷采如出
轍焉

石城

輔國將軍拱樞 石城端隱王諸孫也性沉毅有

幹局父濶弘治中以事落職不能自紹

肅皇帝卽位樞力上書爲父澡雪卒得復爵進秩

宸濠不欲人出已右某絕諸宗室問學儒生有出

入宗人間者輒文致于獄樞顧嗜學獨閉藏一室

朝夕諷誦遂博通群書工爲詩賦往往有唐名家

風著巢雲集四卷卒後四十年子多燊始梓傳之

是後奉軍多燦多煥鎮尉謀境謀堪謀翰謀

培謀墀謀聖謀誰輔尉統銓統鋸並博雅能文章

各有集五七卷方伯陳玉叔采諸名宗詩爲江國

風雅凡三十餘人而石城居其半方今事詞賦者

日益盛要之革路開林樾有力焉

豐城楊廉

憲

憲

憲在朝凡大臣為新進所媒孽者必反覆辨析且以愛惜人才之意上達言官以言語微過被譴亦必委曲言其不足深罪賴以全者甚衆人稱得宰相體

體

耿文恪

耿文恪初舉進士任給事中時厥父清惠公為右都

御史 上言父子同在要地非宜遂改翰林檢討後
謫泗州判官益厲志讀書不以寵辱介意成化改元
召還翰林

彭文憲

彭文憲召入內閣 英廟向用大學士賢獨見寵信
數召對賢退亦諮公公持正論不肯詭隨或至失色
爭議南楊亦服公雅量語人曰彭公真君子也

廖莊敏

莊敏公爲人直易表裏坦然不子子爲異
以取譽接對士類不見有纖毫貴勢態尤甚於鄉
故舊賓至卮酒豆肉輒與爲懽無一日不對賓客既
爲天官或勸稍謝往來遠嫌公笑曰昔人有言臣門
如市臣心如冰吾無愧吾心而已

古尚書

古尚書朴居官臨事蚤作夜思勤勞弗懈一志於公
無敢干以私者謹守 祖宗成憲不肯踰越或言事
久於時小過不及者亦當損益就中終不爲動

歌祭酒

耿好問爲祭酒誨教有恩義時異姓諸侯年幼者令
學于國學公類古諸侯勲戚言行可法者爲書以授
之在國學十年士類感而化之

馬溪田

馬溪田年七十歸隱于商山書院諸生問道者遠近
踵集公山中野服鶴髮童顏望而卽之皆德容令色
亦飄然仙風道氣如是者又十年而始告終

又

馬溪田戊辰辛未皆不與

試安南貢使問禮部主

事清曰關中馬理先生何在未登仕籍其名重外
夷若是至甲戌復上春官公卿以下咸欲識而四方
學者至聚觀之

彭文憲

太監劉永成沒或言其有軍功宜追封爲伯彭公時
力爭之或曰自古有封王侯者時曰此豈盛世事耶
祖宗成憲具在誰敢違之事遂寢公又言於上曰
前代賜諸侯有湯沐邑賜官主有脂粉田而皇莊則
未聞也今所謂皇莊大率皆國初牧地及民田耳

一歲計之入有內官掌之以爲乘輿供奉然國
家富有天下尺地莫非其有府庫倉廩莫非其財而
又有皇莊以爲已有此固衆人所不識也疏留中

馬考功

馬溪田爲考功郎中丙戌例當考察外官時臨潁內
閣樂安冢宰各挾私忿欲去廣東河南陝西三省提
學公乃昌言曰魏校蕭鳴鳳唐龍卽今有數人物若
欲考此三人請先考理由是獲免公之保全善類以
鞅正氣如此公後爲光祿卿故事凡解過用需先關
申中官否則留難人甚苦之公釐革夙弊德望所
雖中官亦無敢梗者

李康齋

李西涯問李康齋以下學上達之義康齋曰未論上
達之妙且言下學其言引而不廢至言也西涯乃言
先生亦不記傳注可謂謬矣豈能記朱注者皆下學
上達之人耶李之明達未必至此但直之忌語耳

李文達

李文達公初薦布政陸瑜爲刑部尚書石亨以私

歲計之入有內官掌之以為乘輿供奉然
家富有天下尺地莫非其有府庫倉廩莫非其財而
文有皇莊以為已有此固衆人所不識也疏留中

馬考功

馬溪田為考功郎中丙戌例當考察外官時臨讓
尚樂安家宰各挾私忿欲去廣東河南陝西三省
字公乃昌言曰魏校蕭鳴鳳曹龍即今有數人物若
擬申官亦無嫌野齊理由是獲免公之保全善類以
申中官亦無嫌野齊理由是獲免公之保全善類以

瑣綴錄

太和尹直

李康齋

李西涯問李康齋以下學上達之義康齋曰未論上
達之妙且言下學其言引而不廢至言也西涯乃言
先生亦不記傳注可謂謬矣豈能記朱注者皆下學
上達之人耶李之明達未必至此但直之忌語耳

李文達

李文達公初薦布政陸瑜為刑部尚書石亨以私譖

之久不名對衆爲公危及瑜當擬旨到任同事者謂其擬侍郎公曰吾以尚書薦而改擬侍郎則自慊不信矣竟擬尚書從之後瑜頗稱旨乃復召對如舊

韓都憲

都憲韓公初授御史年二十三巡按江西藩臬諸司多玩視之至日卽具疑事數十條請決公覽畢卽條答衆皆驚服平兩廣所向克捷號稱神明陞僉都御史巡撫江西年未三十民情吏治素所諳練風裁凜然凡臨衆決事動發百餘言皆引經據律無一語踈滯處置事務靡不允當至今官民遵守之曰韓都憲繼公者皆以爲不及

楊文定

正統九年春修國子監訖王楊文定公奉旨撰御製碑文文定以重建太學爲題具稿進呈命范太監持示楊文貞公時文貞已卧病乃作一篇以新建廟學爲題封進用之文定不悅執用其題文貞具本論凡言重建者謂已作之後又作之廟學雖前元所建非國朝事此不可論今旣悉徹而新作之只當云

新建且廟與學二者若只書建太學而不云廟於禮
未安請通改作新建廟學四字爲宜廷議雖諱文貞
之言然已刻石無及矣二公之學識於是可見

胡宗伯

正統中宗伯胡公濙一日早朝承旨跪起帶解落
地從容繫之遂叩頭還班御史亦不能糾十三年彭
可齊中狀元當上表謝恩之夕坐以俟旦四鼓乃隱
几不寤竟失朝糾儀御史奏令錦衣衛拿已奉旨
公從容出班奏狀元彭時不到合着錦衣衛尋上是
之不然一新狀元遂被拘執如囚斯文不雅觀矣老
成舉措自得大體於是可見

商文毅

商文毅罷政家居甫七載成化丁亥被召再起初未
有復職之命至日衆謂難稱職名及 陛見方巾絲
縑青布圓領自稱原籍爲民臣商輅行取到京見聞
者謂其妥帖

王忠肅

永樂乙未始開科於北京王忠肅翺名在第五文

廟見公名即喜北京初啓會闈而魁得畿甸士遂以
布衣召見賜酒飯後公官至官保太宰壽祿名位
非常可及遭際有自來矣

劉主靜

今制東宮官多襲古如庶子洗馬是也景泰間劉主
靜洗馬兵部侍郎王偉戲曰先生一日洗幾馬主靜
應聲答曰大司馬洗得乾淨少司馬洗得不乾淨衆
聞之噤然後主靜與李克述同陞庶子劉宣化戲謂
主靜曰衆人皆假庶子先生真庶子蓋主靜庶出聞
之默無以答

李文達

天順中李公文達獨見寵任時冢宰王九臯以老成
大司馬馬昂以儀表雖皆爲英廟所眷遇而尤賴
公維持凡公有所薦舉必先諭意於二公至御前
籌咨時於文則諉諸王公武則諉諸馬公或自舉其
人亦必曰臣所知如此還須召某等再審二公亦如
公言以是上不致疑下皆信服

解大紳

解大紳為監察御史時都御史袁太怙勢家人橫恣
諸道御史欲糾之無敢執筆者公揮筆立就歷舉其
過章上雖曲宥太而一時多其直 上慮公少涵養
將為眾所傾 召其父至諭曰才之生甚難而大器
者晚成其以而子歸益進學又 諭之曰朕於爾義
則君臣恩同父子其歸益盡心于古人後十年來朝
當大用爾遂侍父歸

李東陽

正統間 朝廷敕一 邊將本左軍都督府之職而誤

寫右

致其疏請於何府支俸既下內閣

召武選

眾皆詰其請敕手本之誤欲罪

之惟東陽先生

曰鄭主事你何出身對曰生曾與

會試東湯曰然

豈不解王言如絲其出如綸乎故

書既云右府即

於右府帶俸何誤之辯衆釋然時

謂得體蓋東陽

識敏捷多類此

前身

王陽明嘗遊僧寺見一室鎖封甚密欲開視之

不可云中有人定僧閉門五十年矣陽明

刑大糾為監察御史時都御史袁太...
諸道御史欲糾之無敢執筆者公揮筆立就歷舉其

過章上雖曲宥太而一時多其直... 上慮公少酒

請幹... 歸... 之生甚難而大

齊... 公... 之... 之...

會... 曰... 言... 出... 餘...

... 主... 出... 曰... 矣...

... 請... 手... 之... 矣...

... 回... 支... 可... 矣...

衣醉編

張鼎思

死作主

隋時有人疾篤忽驚走至韓擒虎家云我欲謁于左

右問曰何王曰閻羅王子弟欲撻之擒虎止之曰生

為上柱國死作閻羅王亦足矣因寢疾而卒

前身

王陽明嘗遊僧寺見一室鎖封甚密欲開視之寺僧

不可云中有入定僧閉門五十年矣陽明固開視之

見龕中坐一僧儼然如生其象貌酷肖陽明先生曰
此豈吾之前身乎既而見壁間一詩云五十年前王
守仁開門原是閉門人精靈剝后還歸復始信禪門
不壞身先生曰此固吾之前身悵然久之建塔以瘞
而去

抱子

戴良齋云昔有宦家過屠家見幼稚而愛之抱以爲
子戒抱者使勿言既長且承序矣嘗因祀先恍惚見
受享者皆佩刀正坐而褻章服者列位其傍愕然以
語抱者抱者始告以實自是當祀必先祀其所生而
後祀其所爲後者云

奇節

崔樞應進士客居汴半歲與海賈同止其人得疾旣
篤謂崔曰荷君見顧不以外夷見忽今疾勢不起畚
人重土殯脫歿君能終始之乎崔許之曰某有一珠
價萬緡得之能蹈火赴水至寶也敢以奉君崔受曰
吾一進士廵州邑以自給奈何忽畜異寶伺無人置
於樞中瘞於阡陌後一年崔遊丐亳州畚婦自南來

尋故夫并勘珠所在陳於公府乃於毫來追捕崔曰
倘窺窬不爲盜發珠必無他遂開棺得其珠沐帥王
彥謨奇其節欲命爲幕崔不肯明年登第竟主文柄
有清名

兩可

鄧析鄭人操兩可之說設無窮之辭數難子產之政
子產誅之按洧水大有富人溺死者有人得富者屍
請贖而求金甚多富人黨以告鄧析曰但安之必無
買此者得屍者患其不贖又告鄧析曰但安之必無
人更賣者然後知析之辭說所謂兩可者此類是也

女將

馮寶妻沈氏封石龍夫人戰則錦繖寶幃至老永嘗
敗年八十而終智勇福三者全矣古今女將第一人
也繡旗女將與李全戰者見金史可對錦繖夫人

蒼蠅

苻堅將赦與王猛苻融議甘露堂悉屏左右堅親爲
赦文有大蒼蠅集於筆端驅來復去俄而長安街巷
人相告曰官今大赦有司以聞堅驚曰禁中無屬耳

之垣事何從泄勅窮之咸言有一小兒青衣大呼于
市曰官今大赦須臾不見堅等嘆曰其向蒼蠅乎

乞巧

七夕乞巧其來已久續博物志山東風俗正月取五
姓女年十餘歲共卧一榻覆之以衾以箕扇之良久
如夢寐或欲刺文繡事筆硯理管絃俄頃乃寤謂之
扇天上以乞巧是正月亦有乞巧事然不如七夕瓜
果陳列穿針弄絲爲有風致

僕女

丞相有二僕通金十千一夕遁去其女將十歲有
美姿自繫一券於帶願賣宅中以償丞相祝夫人曰
當如已子育之於室訓教婦德俟長求夫嫁之請夫
人親爲結褵務在明潔夫人如所教及笄擇一婿具
奩歸之女範堅白其父後歸京師感公刻骨丞相病
夫歸剖股作羹及其服齊三年

官今大放須臾不見各尋莫日其何答

乞巧

天驄姓甄字漢久其姐齊三平

山東風俗正月取

會親之其難望曰其父外親京相滄公時骨亦

人難為辭辭蘇蘇其相蘇夫人世祖及笑對一殺且

富吹日千育之空室暗燈蘇蘇對其夫殺之蘇夫

笑委自縊一卷然帶爾賣字中以賞亦時跡夫人日

李承跡育二對戲金十千一女戲夫其女誅十苑

明廷雜記

古郵陳敬則

剛嚴

徐武寧王遠率兵於吳江有一貨食者知武寧號令

嚴肅凡軍人取民食皆斬之遂證一軍人強食其麵

意其以財賂已而求免也聞于帳下武寧雖知其誣

力執其事剖腹視之果無有遂殺貨食者如彼軍人

之刑

立令

我太祖幼時嘗見群鵝遊於庭戲以青白二紙旗左
右豎立命之曰青者立青旗下白者立白旗下違者
死群鵝應聲如命而往獨一花鵝不知所適往來於
青白之間上殺而食之

名儒

翰林朱學士允升歙縣人。國初名儒也。一時制誥
多出其手。如於李韓公則曰漢廷命相蕭何在曹參
之前。唐室紀功玄齡居李靖之上。於徐魏公則曰緊
自起兵濠上。先存捧日之心。逮茲定鼎江南。遂作擎

天之柱。於常鄂公則曰馮異功不下於鄧禹。潘美義
無忝於曹彬。於誠意伯劉公則曰學貫天。人才兼文
武。皆妙得其實。今新編皇明文衡。皆不收入。豈編集
時偶未之見邪。

國有郊祝文。有予我字。所上怒將罪作者。佳彥良進
曰。湯祀天曰。予小子履。武祭天曰。我將我嚮。儒生泥
古不通。煩上譴呵。衆得釋。

晉對

明廷雜詩
一
初元善爲大學士
太祖問卿家豐城鄉里人物
何如答曰鄉有長安長樂里有鳳舞鸞歌人有張華
雷煥物有龍泉太阿

水東記畧

崑山葉盛

楊文定

楊文定公最善王檢討張修撰相見輒出所作就二人評有所改易卽樂從公亦喜改人文字太和陳學士當筆譔祭文公欲有所易陳忿然不平見於言色公卽已之

郭定襄

定襄伯郭登治大同廉而尚謀有古良將風一日

東迫城下人心洶洶自登城親帥酣戰聞馬溺於前
左右急呼用草裹去公笑曰草菓好吃雞生也此亦
能示整暇以安人心

黃忠宣

黃忠宣叅贊留都機務每事先籌付襄城伯襄城伯
敬信公比視事皆襄城伯處分公不出一語或以爲
言公曰體當如事且汝見守備何嘗一事錯

劉文恭

劉文恭立 朝無惰容不以寒暑久速少變一

家中作祀事忽外傳云閣老使人來言有保薦矣
生不怡者終日日爾自保薦何與我事蓋先生與
最厚高初以有旨卽應入謝欲先生知之耳蓋出無
心而先生云云則其爲人可知也

胡忠安

胡忠安巡浙還 朝時 文皇帝北征駐驛宣府馳
謁 行在 上方卧不出聞公至起見勞之口卿奔
馳勞苦 賜坐與語凡所歷山川郡縣民情疾苦悉
爲陳說 上欣然比退漏下四鼓矣

陳敬宗

陳敬宗德望文章名聞朝野在南太學時力以師道自任時關中楊鼎發解試禮部下第疏乞入南監從公學上從之鼎至監清苦篤學修行後舉禮部第一廷試第一仕至戶部尚書

于節庵

于節菴養子于廉頗好聚圖書天順中自邊被宥還將以節菴柩歸葬于鄉一日無聊中坐袿褙巷人家見賣畫人負數軸來呼取而觀之則兩軸者節菴夫婦畫像也納微價而得之初節菴家圖書皆被籍自分不可得矣蓋同時籍入者太監盧永后旨宥免籍物皆給還兩畫像乃誤給盧氏于氏此事不亦一奇幸矣哉

岳季方

岳季方性剛而志高不輕屈下人在內閣不久被黜有士人告之曰先生犯孔子戒矣問之云何則曰未信而諫是也公應之曰初八上用我左右責任教戒甚至敢不盡心若子以諫官處我則恐未然後被謫

有自京師來者傳天語於甘肅曰岳正倒好只是
大膽或以賀公曰上念公如此行召公矣曹生爲
寫待漏容公遂灑括其辭題于上曰岳正倒好只是
大膽惟帝念哉必當有感如或赦汝再敢不敢臣嘗
聞古人之言蓋將之死而靡憾也

陳恭愍

陳恭愍做范文正公置田一百四十畝以充祀先朝
族之用號思遠莊及卒後族人以公無餘貲舉田還
公子戴戴不可曰先人置此以行義也戴取而私之
獨無愧乎况治命又嘗俾勿廢此人謂公有子

二司馬

程公信白公主偕赴春門時入旅肆中其家忽錫鳴
二公以爲不祥兆遂出避之鍋聲隨其車數里而止
後二公相繼爲大司馬

顧其說不可具問其名號時時散見諸傳記中

讀大洞諸經外及雅川真白及唐宋小說家言

得名號可紀者數十百餘彙爲一若世有好譚者

若鄉俗田賦等事

或二公林巒為大石

一公以為不稱非後出巖之巖聲雷其車幾里而

到公言曰公生於春門却人遊其中其家必歸

之

於無事乎此命天嘗以心察此人謂公亦

靈虛遐覽

東越胡應麟

道經所載玄天五城之上僊聖階秩高下森如信

若所言其蒞事舉職勞不啻于人間王元澤所謂

千歲何益白石先生寧為地仙不樂飛昇有以也

顧其說不可具聞其名號時時散見諸傳記中暇

讀大洞諸經外旁及稚川真白及唐宋小說家言

得名號可紀者數十百餘彙為一若世有好譚天

若鄒衍田駢輩將挈以贈焉

太極真人

赤松子又杜冲又淮南王又西梁子文徐來勤

無上真人

尹喜

太和真人

尹軌及由世遠又王君

清虛真人

王褒又小有真人亦褒

大羅真人

葛玄為大羅前身

桐柏真人

王子喬又李奉仙

青蓋真人

高世韓

以室真人

劉千壽

太元真人

茅盈

太清真人

彭清宋倫

太微真人

尹澄

秦隴真人

用亮

靖明真人

匡續

西城真人

王方平

司命真人

路大安

句曲真人

茅固

玄洲真人

姚坦

中岳真人

高丘子王仲甫王玄甫蘇林

西岳真人

馮長

小有真人

王瓊

紫府真人

韓琦

大梁真人

魏顯仁

○冢真人

王道寧

岷山真人

陰友宗

陸渾真人

郭幼度

崇山真人

范伯華

鬱絕真人

裴玄仁

清逸真人

李白

華陽真人

王玄甫

太虛真人

赤松子

九疑真人

韓偉遠

清寧真人

裴玄仁

紫陽真人

周義山張伯端

玄一真人

范伯慈

九皇真人

張伯端

黃庭真人

王探

東極真人

王大虛

南岳真人

陳子微

潛山真人

鮑靚兼領

上清真人

司馬承禎李少君趙伯元張仲逸許謚

五嶽真人

馮延壽

清城真人

洪崖先生

南極大明公

匡續

太極右仙公

葛玄

太極左仙公

谷希子

上清仙公

許劇又涓子為北海公

蓬萊右仙公

賀保安

九玄左仙公

封靖

玉真上公

崔子文

紫陽左仙公

石路成

九疑山侯

張上貴

岱宗神侯

鮑元節又翼侃為西河侯

太極仙侯

張奉

水府仙官

郭璞

東源伯

張石生

少室仙伯

王遠知又吳涵虛

華山仙伯

秦叔隱

青城仙伯

洪崖子

潛山真伯

趙祖陽

海伯

屈原

蓬萊大仙伯

茅盈

監海伯

溫嶠

太極高仙伯

延蓋公

八元仙伯

柯元直

嵩山伯

陶弘景

理禁伯

張玄賓又赤松子為昆村仙伯

太極左仙卿

王觀子葉法善

太極上卿

馬成子

中元仙卿

羨門子

玄洲上卿

尹喜

玉皇聖尊

二

西岳仙卿

李翼

上清左卿

許成已

東岳上卿

茅盈

玄真大卿

瑕丘律

太極仙卿

墨翟

蓬萊左卿

葉叔茂

太清左卿

黃觀子

東府左卿

白石生

東華上佐

楊義

陽晨大夫

石叔門

英文臺侍郎

金可記

昆丘侍郎

鮑靚

九華侍郎

馬成子

明晨侍郎

夏穰又周暢

玉華侍郎

方某及莫某三人

碧落侍郎

沈義

門下侍中

張良又劉楨徐幹王粲王導為尚書令王嘉徐庶何晏

太極韋編郎

莊周

左玄執蓋郎

封璋

玉臺執蓋郎

郭四朝又茅衷

太上侍經仙郎

王思真

仙臺郎

侯道華

修文郎

樂子長卜子夏顏淵蔡邕

典柄執法郎

淳于叔通

都禁郎

賈誼又李明期為玉晨元郎

北天修門郎

紀瞻虞譚

執蓋郎

虞和又正一上元郎王忠

左理中監

韓崇

右理中監

劉翊

童初監

范幼安

東華上清監

李白

碧虛上監

董奉

蓬萊都水監

桓闓

左副監

謝鯤又張叔隱為右仙鑑

太陽都錄大監

魏徵

蓬萊仙監 陶弘景又作蓬萊都水大監 丘監 王弼

命命丞 茅衷 三官保命司 茅衷又樂長治為保命丞

南岳司命 李奉仙 九宮右司保 展士公

都錄司命 郭璞 鬼官司命 周顛又姚俊為北河司命

岷峨主司 杜光庭 地下曹司 沈文通

送迎使者 徐福 繡衣使者 孟六奇又冷廣子期

地下主者 鮑靚 太清宮主者 虞善翔

南門亭長 郟鑒 北十天門亭長 沈文通

北極判官 鄒宥 泰山司馬 賈誼

雷部掌事 劉景文 押衙 蘇軾

太玄博士 莊周 蓮花博士 楊廷秀

玄洲長史 蕭子雲又杜預蔡謨俱為長史又管條條為左官御史 御史 林靈素

五雲書閣史 陳幼霞 神霄散吏

文星典史 杜甫 高明大使 許遜又為九天蓬萊使

中央鬼帝 嵇康 北方鬼帝 楊雄又張衡

鬪浮提王 寇準又蔡襄 遮須國王 曹植

赤龍神王 伊用昌 五方天帝君 簡肅正

西極總真君 王遠 東華青童君 林景真

唐世君 司馬生

葉君 王喬

東海青童君 延陵賜

王屋 山君 龐籍

方丈宮主 九源丈人

蓬萊 長生主 白樂天

海山院主 白樂天

華陽 洞主 東方朔

芙蓉城主 石曼卿

靈芝 館仙官 王安國

太上仙官 東方朔

素靈 宮仙官 馬周

六押大都統 馬總 崔儼

三天 大法師 馬成子

泰山老師 崔曙

太乙 鬼谷子

恒嶽仙人 田吾道榮

太乙 仙人 王向

控鶴仙人 武夷君

墜地 仙人 同上

林屋仙人 王瑋玄

柏樹 仙童 許遜

尤華大仙 田先生

赤腳 大仙 宋仁宗

斥仙人 項曼都

謫仙 人 李白

歲星精 東方朔

東海 地精 徐知常

混沌初分白蝙蝠精 張果

凡稱先生者率當時及後世 寺稱稱子者率自稱 故皆不錄凡真人係世主所封者不錄凡厄言所 一列有官號而無職司者不錄錄其當時受封號于

板有言說... 無端... 不終... 其言... 其言...

對皆不終... 其人... 其言... 其言...

凡辭去... 其言... 其言... 其言...

其言... 其言... 其言... 其言...

其言... 其言... 其言... 其言...

其言... 其言... 其言... 其言...

其言... 其言... 其言... 其言...

其言... 其言... 其言... 其言...

其言... 其言... 其言... 其言...

良常仙系記

梁溪鄒迪光

華陽多仙其所為仙者類多摘詞挾藻博通延覽

與夫執珪擔爵紆金曳紫之士故余與茲山輒低

徊眷戀有深思焉曰此等皆吾輩人竟以仙公吾

安得千載而下列一姓氏其間也爰自司命定錄

係命君而下得十六人具於左以志向選

大司命君姓茅名盈字叔甲咸陽人高祖濛知周之

衰不仕師鬼谷先生道成騎龍上天濛弟熹仕秦為

德信侯生六子少者彥英生三子長卽司命也次子
固定錄君字季緯三子衷保命君字思和司命君十
八歲棄家學道感夢而得見西城王君留洞宮執巾
櫛侍起居者十七年又領圖牒寶籙者三年而後王
君携之以見王母於青琳宮母曰總真挾肉人以登
靈臺不亦勞乎司命叩首固請王君爲授記此後二
弟聞其兄得道侍兄東山司命曰汝已老矣須當補
授季緯以黃帝四扇散授思和以王母回童散二
服藥咽炁精思勤行朝夕匪懈凡十八年而司命

傳以上道啟於王君祈請太上昇之仙職季緯定錄
思和保命各領紫素留住此山司命住句曲四十三
年至哀帝元年將之赤城玉洞之府與其二弟告別
曰吾此去便有局務相關不得數會須一年一見耳
時人爲之謠曰茅山連金陵江湖據下流三神乘白
鶴各治一山頭乃因鶴集處分其山爲大茅中茅小
茅三山云

楊羲字羲和吳郡人徙家句容幼而通靈美姿容善
言笑工書畫與王右軍並名海內許先生邁長史穆

早結神明之契簡文帝爲琅琊王進位丞相及帝卽位不求錄用高蹈遺榮後西城王君教服日精月華之法解化去

許穆字思玄一名謚汝南平輿人六世祖光徙居丹陽起家太常博士出爲餘姚令歷官至散騎常侍興寧中衆真降楊羲家備傳經誥太元元年解化弟子輩窆空棺於縣西真誥云君挺命所基緣業已久乃武王九宮上相長里薛公之弟兼許肇遺功復應垂應後胤故乘化托生因資成道玉札所授爲上清真

人

韓翹字道翔小字玉斧清穎瑩潔糠粃世務州府累辟不就立宅雷平山下密修上道嘗願早入白雲鄉以太和五年詣北洞告終真誥謂從張鎮南受衣解法夜半壇上化去

陸修靜字元寂吳興東遷人蹠有重輪足有雙蹠掌中有字背有斗文研綜文籍旁通象緯與陶淵明慧遠交明帝勅住後堂不樂授館於外爲立崇虛館傳經壇著齋法儀範百餘謚簡寂先生

孫岳字穎達東陽人博學經傳拜簡寂於仙都山四十七年不與世接後來茅山簡寂見而喜曰遲君來吾高枕廬山矣一時名士沈約陸景真諸人咸就學焉

陶弘景字通明秣陵人既冠不婚仕齊歷諸王侍讀尋拜表辭職來茅山自稱華陽隱居梁武卽位手勅招之畫兩牛一放水草間一著金籠頭執繩杖之梁武笑曰此人欲作曳尾龜耳每國家大事無不咨詢月中常有數信時人謂山中宰相死之日顏色不變

屈伸如常香氣累日不散

司馬承禎一名子微字道隱世居溫晉彭城王權之後襄滑二州長史仁最之子生而能言嘗有鳥如鳳凰集几上爪痕著几成文曰東華上清真人玄宗異之勅住王屋山陽臺觀一日來禮華陽洞撰貞白碑陰記著坐忘論修真秘旨十二篇後徙居天台玉霄峯

左慈字元放漢建安中登茅山禮拜五年而洞門自開得入洞虛造陰二宮三茅君授以神芝復就司命

長壽仙翁詩
君乞玉門丹砂得十二斤服之顏色甚少
王遠知陳揚州刺史曇首之子其母夢靈鳳有娠又
聞腹中啼聲寶誌曰生子當爲神仙宗伯七歲日覽
萬言博極羣書十五入華陽事貞白先生授三洞法
於茅山西北嶺上結靜室以居晉王廣鎮揚州請先
生既至須臾鬚髮盡白王懼而歸之復還黑高祖龍
潛時先生嘗密告符命曰方作太平天子願自愛後
登極將加重位固請還山臨化謂弟子輩曰吾昨見
仙格以小時誤損一童子吻不得飛舉當署少室師

伯將行在近五日沐浴衣冠焚香化去年一百二十

六

馬樞字要理扶風郿人博極經史精研佛氏邵陵王
綸引爲學士綸舉兵援臺留書二萬卷付樞樞肆志
尋覽忽喟然歎曰貴爵位者以巢由爲桎梏愛山林
者以伊呂爲筦庫束名實則芻蕘柱下之高翫清虛
則糠粃席上之說稽之篤論亦各從其好也乃隱於
茅山有終焉之志

許邁一名暎字叔玄句容人長史穆之兄總角好道

良常仙翁詩
五
從郭璞筮卦遇泰之上爻發曰君元吉自天宜學道
初師鮑靚未忍違親謂餘杭懸溜山近茅山是洞虛
西門潛通五岳陳安世茅季偉所嘗游處於是立精
舍於懸溜而往來茅嶺朔望家定省而已父母沒
乃遣婦孫氏還家改名遠游入居臨安西山與王右
軍父子周旋復移臨海赤山遇王世龍趙道玄傳太
初遂師世龍受解束反行之道服王液朝腦法度名
東華爲地仙中品

張孝威晉陵人玄宗嘗就問理化對曰道德君王師
也昔漢文行其言仁壽天下又問金鼎對曰道德公
也輕舉公中私也時見其私聖人存教若求生狗犬
乃似繫風耳無何以疾辭還句曲山所撰仙學傳及
論三玄異同諸書

明年亦如之又明年亦如之

入苑門即臨太液池蒲葦盈水際如劍戟叢立芰荷

翠潔清日可愛循池東岸北行榆柳森桃艸色鋪岸

春茵花香襲人行百步許至椒園松檜蒼翠果樹合

罍中有圓殿金壁掩映四面豁敞曰崇智南有小池

魚作陣遊戲其中西有小亭臨水芳木匝之曰

魏朝瑛策卦遇泰之上爻發曰君元吉自天祐學道
勤師鮑靚未忍違親謂餘杭懸溜山近茅山是洞
西門潛通五岳陳安世茅季偉所嘗游處於是立
香於懸溜而往來茅嶺朔望一家定省而已父母
分遣婦孫氏還家改名遠游人居臨安西山與王君
齋三玄真回齋書臨海赤山遇王世龍趙道玄傳
心以縹風耳無所以乘縹緲回曲山迴對山學對
心躡舉公中絲也制具其絲聖人存慈若求主此
心昔冀文亦其言曰壽天不又問金鼎機曰能盡公

賜遊西苑記

明 李賢

天順己卯首夏吉日 上命中貴人引賢與吏部尚
書王翱數人遊西苑明年亦如之又明年亦如之初
入苑門即臨太液池蒲葦盈水際如劍戟叢立芰荷
翠潔清目可愛循池東岸北行榆柳森桃艸色鋪岸
如茵花香襲人行百步許至椒園松檜蒼翠果樹分
羅中有圓殿金壁掩映四面豁敞曰崇智南有小池
金魚作陣遊戲其中西有小亭臨水芳木匝之曰翫

芳又北行至圓城自兩液洞門而升上有古松三株
枝榦槎牙形狀偃蹇如龍奮爪拿空突兀天表前有
花樹數品香氣極清中有圓殿巍然高聳曰承光北
望山峰嶙峋峯嶽俯瞰池波蕩漾澄澈而山水之間
千姿萬態莫不呈奇獻秀於几窓之前西有長橋跨
池下過石橋而北山曰萬歲怪石參差爲門三自東
西而入有殿倚山左右立石爲峯以次對峙四圍皆
石廬巖巖齶齶蘚封蔓絡佳木異艸上偃旁綴樛葛蒼
翳兩掖疊石爲磴崎嶇折轉而上巖洞非一山畔並

列三殿中曰仁智左曰介福右曰延和至其頂有殿
棟宇宏偉簷楹翬飛高插於層霄之上殿內清虛寒
氣逼人雖盛夏亭午暑氣不到殊覺神觀瀟爽與人
境隔異曰廣寒左右四亭在各峰之頂曰方壺瀛洲
玉虹金露其中可跂而息前崖有壁夾道而入壁間
四孔以縱觀覽而宮闕崢嶸風景佳麗宛如圖畫下
過東橋轉峯而北有殿臨池曰凝和二亭臨水曰擁
翠飛香北至艮隅見池之源云是西山玉泉逶迤而
來流入宮墻分派入池西至乾隅有殿用艸曰太素

殿後艸亭盡松竹梅於上曰歲寒門左有軒臨水曰
遠趣軒前艸亭曰會景循池西岸南行有屋數連池
水通焉以育禽鳥有亭臨水曰暎輝又南行數弓許
有殿臨池曰迎翠有亭臨水曰澄波東望山峯倒蘸
於太液波光之中黛色嵐光可掬可挹烟靄雲濤朝
暮萬狀又西南有小山子遠望鬱然日光橫照紫翠
重疊至則有殿倚山山下有洞洞上石巖橫列密孔
泉出迸流而下曰水簾其淙散激射飛薄濺灑最爲
可玩水聲泠泠然潛入石池龍昂其首口中

延休堂漫錄

闕名

劉忠宣

劉忠宣公大夏任兵部尚書戴莊簡公珊任左都御
史時有大政事上每召二公面議弘治乙丑春二
公對畢上令中使出白金二笏以賜且面諭曰卿
等將去買茶果用朕聞朝覲日文官避嫌有閉戶不
與人接者如卿等雖開門延客誰復有以賄賂通也
朕知卿等故有是賜且命不必朝謝恐公卿知之未

兗各懷愧恥也

滕用亨

滕用亨初名權字用衡避諱更今名蘇人自少遊學四方頗多見聞問學辨博文詞爾雅尤精六書之學篆法之妙高在近世永樂三年被薦時年幾七十矣召見面試篆書用亨作麟鳳龜龍四大字又獻禎符三詩稱旨授翰林待詔預修永樂大喜在官四年卒用亨善鑒古器物書畫嘗侍上閱畫卷衆目爲趙千里用亨頓首言筆意類王晉卿及終卷果有駙

都尉王駮

伍文定

伍文定初爲常州推官以簡伉忤提學御史陳琳左遷起爲嘉興府同知而陳亦來爲郡守相見握手道舊歡若平生彼此各無芥蒂時兩賢之

楊一清

江西宸濠謀逆武宗親征旣得凱駐蹕金陵渡江幸致仕大學士楊一清第賜絕句十二首公又有應制律詩四首應制賀聖武詩絕句十二首編爲

二卷名車駕幸第錄公自叙謂虞廷賡歌之後古帝王有以詩章書畫下者不過一篇數言而止未有聯章累牘若是其盛者至漢屈萬乘之尊在位者或有之然亦鮮者若罷政歸休者爲尤鮮或有之豈有至載至三如今日者乎守溪王公鏊有四絕句云相國移家江水湄金山望幸已多時太平金鏡無由進願得回鑾一顧之趙普元爲社稷臣君臣魚水更何人難虛雪夜相過意海錯尤堪佐酒巡北固山前駐翠華慙慙來訪相臣家太湖怪石慙多幸也得相隨載

後車賡歌千載盛明良

宸翰如今更煒煌溫衍魚

龍看未了梨園新部出西廂

桂文襄

桂文襄自釋褐授丹徒知縣執正不肯徇時曲媚且辱于知府林魁林辭官疏有此縣有聖人之令之言請避之公亦棄官去

孫榮僖

孫榮僖公交初任南京駕部主事時每日散衙後諸僚輩各歸私第或出訪客或拉朋儕飲奕賦詩習之

爲常公獨退處一室默坐觀書至晚方回或以爲言
則曰對聖賢語不猶愈于對賓客妻妾乎三原王公
時爲大司馬嘉其有志甚愛之後累官至戶部尚書
致仕平生言論恂恂誠慤清慎恬雅始終一致云

陳恭愍

陳恭愍選任河南按察使持憲公廉不畏強禦時中
官在直司西廠事能立中人禍直往河南勾當公事
潘臬竦息郊迎公不爲禮俟其至盛服自公署中道
而入直不能堪詰責之功密疏其擅權之罪疏入留

中逮直歸

上問河南好官爲誰直以公對

上以

疏示之

張淵戴冠

孤介

尚書公軒性寡合不妄取子居南京時家人衣
或不給備三原王公餽以米及白金或不受見陳王
公嘗饋知其介不致致餽值有持禮幣求文者因
曰公之文勝余令人導汝往求之至則童公爲
人曰汝自來乎仰有使之者乎其人以言對

初日對聖賢語不猶愈于對賓客妻妾乎三原公
時為大司馬嘉其有志甚愛之後累官至戶部尚書
叔仕平生言論恂恂誠懇清慎恬雅始終一致云

陳恭愍

陳恭愍選任河南按察使持憲公廉不畏強禦時
官在直司西廠事能立中人禍直往河南勾當公
顯示之息却迎公不為禮俟其至盛服自公署中
出表直趨上問河南被宥為請直如公機疏上以

濯纓亭筆記

張淵戴冠

孤介

尚書童公軒性寡合不妄取予居南京時家人衣食
或不給惟三原王公餽以米及白金或不受毘陵王
尚書餽知其介不敢致餽值有持禮幣求文者因謂
曰童公之文勝余令人導汝往求之至則童公問其
人曰汝自來乎仰有使之者乎其人以實對遂却而
不納其介如此

風節

張公寧至汀年餘以疾乞休尚書李秉侍郎葉盛黎
淳並奏起公皆以疾辭王端毅道郡城特造公敦勸
之卒不起閒居三十年絕迹不事干請藩臬士夫東
西行者靡不造謁得一接見爲幸名震海外行乎鄉
黨英風峻節足以敦薄俗勵後進公真一代之偉人
哉

盟水

王都督信奉

命總理漕運卽日上道嘗語人曰苟

國厚恩未能報稱此行當以江水洗滌肺肝少盡區
區爾及之任抗章言事不允公益思奮厲府舊有湖
前官漁利其中公卽開通以泊運舟䟽放蓄洩日夜
運謀多汗於人未有怨者

詩名

清江俞行之在永樂中有能詩盛名其題清慎敬之
句曰夜門無客收懷金秋屋有情甘飲水惜其不得
多見

門帖

北京宮闕成 太宗命解縉書門帖以古詩書之曰
日月光天德山河壯帝居 上大喜賜資甚厚

厄運

天順庚辰春闈火起監察御史焦顯因鎖其門不容
出入死者數十人焦頭爛額折肢傷體者不可勝計
不久孔林亦災衍聖公某被奏不法得重譴

又

重德初彗掃文昌臺官云應在內閣未幾逆瑾出
逐內閣大學士劉健謝遷自是而後一時在位者

臺諫無不被其禍

月六日德化河州帝后

上太

厄連

順庚辰春閏火起監察御史焦顯因鎖其門不
入死者數十人焦頭爛額折肢傷體者不可勝
計久孔林亦灾衍聖公某被奏不法得重譴

又

初三掃文昌臺官云應在內閣木幾逆埋

臺精無效其跡謝遷自是而終一時在位者

